

天花精言目錄

卷五

藥性總論

破氣藥論

調氣理氣藥論

氣分升發表散藥論

氣分溫補平補藥論

破血藥論

涼血活血藥論

血分升發表散藥論

血分溫補平補藥論

清火利水藥論

解毒消腫藥論

目病藥論

天花精言

藥性總論

毒猶寇也藥猶兵也醫猶將也用藥以驅毒卽用兵以逐寇是在爲將者運用何如耳不知兵之性是以兵與寇也不辨藥之性是以孩之性命與毒也狀則藥可不辨乎哉以大綱言之或在氣分或在血分判狀不同也以各經言之或在某臟或在某腑又或在某經之氣分或在某經之血分釐狀迥別也且有一藥專走一經而不相假借者更有一藥兼治各經而可以變通者善爲運用而君臣佐使迭爲賓主不必株守夫常格加之炮製而分門別戶任我驅策何俟

拘滯乎成見可升可降可補可瀉可溫可寒可斂可散可
以發揚而達於表可以搜剔而抉其根可以半表半裏而
各極其妙大黃可以止瀉人參可以攻毒清火而偏用溫
散之劑涼血而反忌沉寒之品又或補中帶清一切滯補
之藥須爲揀選養而帶活一切溫補之性必用釐剔藥味
有限運用不窮是必考辨詳明炮製精細用一藥必獲一
藥之效而變通之以盡其致立一方必合羣藥之力而叅
互之以奏厥功棄取不必隨人輕重總歸自忖苟非藥性
嫻熟而深究其微又烏能變化隨心哉且夫藥性之說散
見於醫書者亦不知凡幾何煩予之過爲嘵嘵乎蓋治病

者可以從容而圖獨痘症門中則限以時日而吉凶之分
判於俄頃故用藥之法亦與尋常不全有一日而數劑者
蓋一步跟不上則雖悔何及一着用得錯則補過無時以
孩之生死只決於數日之內以數日之輾轉責望乎治者
之手而兢兢焉求孩之命於此數味藥中而顧可不細心
講求乎雖曰藥性浩繁難以脩舉而與痘不相宜者不敢
濫收故採擇乎當用者各分其門類詳著其用法而一一
剖晰焉苟隨症而酌度之亦庶乎不窮於用矣

破氣藥論

氣領毒而出者也毒盛則氣爲所制閉塞而不能暢達何

以領毒乎破氣者破其閉結使得以暢達也獨不慮損真氣乎蓋氣爲毒制不破其結則真氣爲消耗所謂陽亢則絕者是也迅利之藥其性雖確有受之者矣開其結聚之熱而真氣鼓盪自能透發痘有不起者乎故精選破氣之藥列之於左以脩採擇焉

大黃

大黃者其性苦寒而最能滲熱其體通利而直注大腸所以逐梟毒破瘀血者也名之曰將軍以痘之毒非此不足以勝之耳生用則直下酒炒則並利胸膈丸蒸則上行頭目陳醋煮之則能破血經之積紅花

煮之則能開血分之瘀所謂以行氣之藥而兼能奏功於血分者此也宜輕宜重當審慎用之而不可鹵莽焉

青皮

青皮者肝經行氣之藥而兼開脾經者也痘顆不起重用青皮何也蓋肝氣鬱結必橫隔於中而脾氣亦不暢發痘何以起乎故重用之以開肝氣肝氣開而中氣亦暢則囊殼自臑充肥此青皮所以爲起痘之妙品也然亦能大損中氣不可不知

山查

山查能消肉食而治痘者以爲寬氣道而鬆痘毒何也脾家有積則其氣不能健爽而毒氣更因之而壅遏此痘之所以不能鬆活而圓暢也山查消其積聚則中氣快利得以暢發於周身而痘形自狀聳動故曰寬氣道而鬆痘毒且兼能破血中之滯氣

枳壳

枳壳能降肺氣肺與大腸相表裏者也上而肺管中而胸膈下而大腸皆肺主之本一氣相通者枳壳能從肺管吹之使開而直通大腸利氣之妙品也去脹消痞化痰止嘔皆氣降故也

枳實

大者爲只壳小者爲只實與只壳全性而其力確猛故昔人以爲有推墻倒壁之功佐大黃而下行取其直通大腸之氣而莫能阻碍也制法與枳壳皆用麩炒其耑行肺與大腸之氣則一也氣虛宜審慎用之

厚朴

厚朴溫中下氣寬膈而消脹能洩胃實陽明氣分之藥也治痘者以其溫中每畏其燥而不敢用不知胸膈滿悶腹脹難消非此不除雖曰性溫而兼能散之妙昔人用之以平胃而炒之以姜者更引之而入胃

也嫌其溫而並棄其寬膈下氣之功誤矣

桑白皮

桑皮利膈止嗽定喘化痰而其妙總歸於能瀉肺氣
氣降故諸症皆平也尤長于利水蓋肺爲金金能生
水者也利水卽瀉其子以洩其母之意也故於降肺
氣爲最宜

前胡

前胡肺家藥也散風熱利胸膈止嘔定喘以其能降
胸前之氣也故胸膈煩悶者以前胡佐大黃下之

檳榔

檳榔能逐癘疫之氣消水除痰化食破積寬膈之妙品也兼能降至高之氣墜諸藥而下行蓋痘中目症非檳榔不能散其蒙閉故又爲去障磨翳之聖藥以其能開氣結也確者爲佳磨汁用之見火則無功

烏藥

烏藥能理七情之鬱結解氣血之凝滯最宜於腳氣疝氣以其兼能利小腸之氣而下行也其性辛溫故痘家每忌用之豈知其專主洩氣溫而能散乎佐生牛膝而利下部之氣必不可少

赤芍

赤芍者散結利水療毒壅之腹痛化小腸之結聚者也故熱結膀胱小便不通者非赤芍不爲功以其能破小腸之滯氣而爲痘症門中至要之品也

鬱金

鬱金其味辛苦直入心之包絡故醫家用之以豁心中之痰以其能開心經之鬱也痘中心火太盛舌爛生瘡導赤而君火不能下降者佐之以鬱金則鬱開而火自散其功倍捷於菖蒲耳

調氣理氣藥論

毒結氣分者必破其結矣若氣分間有未暢不至爲毒所

銅又或虛中有滯概施以破氣之藥是損其真氣也無乃太過乎調之而氣分自開理之而氣分更健是不可不酌量於其間也故精選調氣理氣之藥而列於左

香附

香附能開六鬱血分之藥而古人平胃散兼用香附何也以其能解中宮鬱結之氣而使之鬆暢也故痘症有中氣不暢而不敢破者以香附調之

白芍

白芍者能斂能散肝經之藥而實主調和血中之氣者也治痘者惡其能斂而禁之又烏知爲調活肝氣

之妙品哉且酒炒則能調生用並能破

麥芽

麥芽能消麵食脾胃藥也能啟脾而進食寬中氣而消積炒黃用之

神麴

神麴能發脾胃之積而和解之寬中和氣而兼利脾胃之濕炒黃用之

萊菔子

菔子其味辛甘下氣消食和中化痰能治胃口之吞酸兼除胸腹之滿脹炒研用之

蘇梗

蘇梗味薄而性平調活中氣上下宣暢順氣諸品惟此最爲平和

陳皮

陳皮其味苦辛而性溫開胃健脾寬氣而消痰能降能散能補能消故其調中理氣功在諸藥之上

砂仁

砂仁能和中氣消食其味辛溫兼能健中而安胃痘后中氣不足而有滯者最宜用之去皮炒研

藿香

藿香溫中快氣開胃而進食者也其性辛溫故痘家每禁用之狀能止心腹之疼安氣逆之吐惟熱結陽明者恐助其燥不可輕投若痘后胃虛不食佐以砂仁則安胃進食之妙品耳

木香

木香性溫味厚沉而下降中氣不運木香能化中焦滯氣脾家之藥兼能利大腸之滯故痢疾後重者非此不可若用攻下之劑不可借之利大腸以其性溫兼能健中故也如遇痘後腹脹不消而中氣虛滿者非此不能奏功